



„Savez poljoprivrednih udruženja Konjic”, Varda bb,
88400 Konjic

Telefon: 036 735-040 i 036 735-041, fax 036 735-041
www.poljoprivredakonjic.ba



“7. DANİ POLJOPRIVREDE OPĆINE KONJIC”



Dana 06.09.2012 godine u Buturović Polju, općina Konjic, po 7 put je održana manifestacija "Dani poljoprivrede općine Konjic", koju su i ove godine organizovali: općina Konjic, Saveza poljoprivrednih udruženja Konjic i Mjesna zajednica Neretvica.



Na manifestaciji je poljoprivredne proizvode izlagalo oko 70 izlagača, a istoj su prisustvovali brojni posjetioци i veliki broj uglednih gostiju.





Okupljanje izlagača, priprema izlagačkih mjesta I nastojanje da se dođe do što boljeg prostora za izlaganje, počela je u ranim jutarnjim satima, što govori s kakvom ozbiljnošću poljoprivredni proizvođači pristupaju aktivnostima na kojima mogu pokazati svoje rezultate rada i proizvode ponuditi kupcima.



Priprema izlagačkih mjesta trajala je do 10,00 sati, kada je uslijedilo obraćanje zvaničnika i otvaranje manifestacije

Kao domaćin prvi se prisutnima obratio i zaželio im dobrodošlicu predsjednik Mjesne zajednice Neretvica Ahmo Miljević, a zatim, je u ime Saveza poljoprivrednih udruženja Konjic, prisutne pozdravio predsjednik Saveza Nusret Avdibegović, koji je u svom obraćanju istakao sve poteškoće s kojima se poljoprivredni proizvođači susreću.



Jedan od rado viđenih gostiju bio je i ministar poljoprivrede, šumarstva i vodoprivrede HNK, sa svojim saradnicima, koji se obratio prisutnima i podržao ovakve manifestacije, koje su pokazatelji rada i mogućnosti poljoprivrede proizvodnje na ovim područjima, te obećao svoju podršku i podršku Ministarstva poljoprivrede, šumarstva i vodoprivrede HNK.



Na kraju se prisutnima obratio i "7 Dane poljoprivrede općine Konjic" svečano otvorio načelnik



općine Konjic, gospodin Emir Bubalo, koji je do sada finansijski podržao svih sedam manifestacija, kao i niz drugih projekata iz oblasti poljoprivrede.

U svom obraćanju pohvalio je poljoprivredne proizvođače koji su bez obzira na klimatske uslove koji su ove godine negativno uticali na poljoprivrednu proizvodnju, ponudili izuzetno kvalitetne proizvode, i obećao još veću podršku poljoprivrednim proizvođačima u narednom periodu.

Nakon otvaranja manifestacije, načelnik općine Konjic i ministar poljoprivrede, šumarstva i poljoprivrede HNK i ostali gosti obišli su sve izlagače i u razgovoru s njima poželili im uspjeh u daljem radu..





Dok su gosti i posjetioци obilazili i ulagače sve učesnike je zabavljao KUD "Preporod" iz Konjica,



Odluka ove manifestacije je da se svake godine ponudi veoma širok asortiman poljoprivrednih proizvoda.

Na manifestaciji je nuđeno ono što se u vrijeme održavanja manifestacije našlo na poljoprivrednim imanjima sa posebnom naznakom da su to proizvodi isključivo sa područja općine Konjic i veliki broj proizvoda proizveden na organski način proizvodnje, čime su organizatori ostvarili cilj manifestacije a to je podrška razvoju domaće poljoprivredne proizvodnje.



Na ovogodišnjim "7 Danima poljoprivrede općine Konjic" učestvovalo je oko 70 izlagača koji su aktivni članovi udruženja, članica Saveza poljoprivrednih udruženja Konjic.

Na manifestaciji je nuđeno:

Voće, i to: jabuka, kruška, šljiva i malina i prerađevine od voća.



Povrće: paradajz, luk, paprika, mrkva, kupus, patlidžan i druge vrste koje su posjetioci imali priliku vidjeti i kupiti.



Med i ostali pčelinji proizvodi, koji su već poznati širom BiH, a čiji je kvalitet prepoznatljiv na mnogim sajmovima gdje konjički pčelari učestvuju i po pravilu osvajaju pobjednička mjesta.



Ljekobilje sa velikom ponudom prerađenih ljekovitih biljaka: kunica, šipurak, vriesak, brusnica, borovnica i druge biljke koje su prisutne na širokom području općine Konjic.



Sir, gdje je daleko poznat Repovački sir kao veoma tražen, a o kvaliteti govore nagrade koje proizvođači dobiju na svim manifestacijama gdje se pojave.



Posebnu pažnju zvanica, posjetilaca ali i samih učesnika privukla su stada ovaca sa područja Repovaca čiji se vlasnici sa ponosom mogu zvati najbolji uzgajivači ovaca.



U toku manifestacije, Komisije za ocjenu kvaliteta ponuđenih proizvoda formirane po oblastima poljoprivrede, obišle su štandove i ocijenile kvalitet ponuđenih proizvoda, koje su učesnici ponudili na “7 danima poljoprivrede općine Konjic”

Komisije su nakon ocjene kvaliteta ponuđenih proizvoda, proglasila pobjednike po kategorijama kojima je predsjednik Saveza poljoprivrednih udruženja Konjic, gospodin Nusret Avdibegović, uručio medalje i diplome:

Proizvođač paradajza

- 1.Mjesto – Nijaz Mustafić
- 2.Mjesto – Ismet Mujala
- 3.Mjesto – Haris Subašić

Proizvođač luka:

1. Mjesto – Asaf Sarajlić
2. Mjesto – Himzo Džino
3. Mjesto – Rasim Mezi



Proizvođači jabuka:

1. Mjesto – Mensur Duraković



Proizvođači šljiva

1. Mjesto – Selmo Hakalović
2. Mjesto – Hamid Miljević



Proizvodnja malina

1. Mjesto – OPZ "Konjic
2. Mjesto – Elvis Zelić
3. Mjesto – Šaban Ćorić



Proizvođači m

Proizvođač sira:

1. Mjesto – Eldin Avdibegović
2. Mjesto – Kadrija Alibegović
3. Mjesto – Ahmo Jusufbegović

Vlasnik najboljeg stada ovaca:

1. Mjesto - Ahmo Huseinbegović
2. Mjesto – Mehmed Alibegović
3. Mjesto – Nijaz Jusufbegović



Pčelarstvo

1. Mjesto – Duranović Avdo i Faladžić Hus
2. Mjesto – Vahidun Halilović
3. Mjesto – Sabit Mujak



Proizvodnja i prerada ljekovitog bilja

1. Mjesto – Fadil Čukas
2. Mjesto – Osman Perva
3. Mjesto – Ismet Mujić



Tokom održavanja manifestacije “7 dani poljoprivrede općine Konjic”, održane su i **sportske igre** I to:- **bacanje kamena s ramena i trka na 1000 m**, koje su izazvale veliki interes i pažnju posjetilaca, posebno nadmetanje u bacanju kamena s ramena, disciplina za koju se prijavio veliki broj takmičara.



Pobjednici u sportskim takmičenjima, kojima je predsjednik MZ Neretvica Ahmo Miljević uručio medalje i nagrade su:

Bacanje kamena s ramena:

1. Mjesto – Džemal Aljević
2. Mjesto – Mustafa Jusufbegović
3. Mjesto – Avdo Jusufbegović



Trka na 1000 m:

1. Mjesto – Edis Gabela
2. Mjesto – Sejo Hondo
3. Mjesto – Ermin Ahmić



Nakon što su dodijeljene nagrade i medalje za najbolje, poljoprivredni proizvođači – izlagači su značajan dio proizvoda, (voća i povrća, proizvoda od voća i povrća i meda) koji su do tada krasili njihove izlagačke stolove **predali HO "MERHAMET" MDD OO Konjic**, koji su ih po svom planu i prioritetima podijelili onima koji su najpotrebniji.



U ime HO "MERHAMET" MDD OO iz Konjica na donaciji se zahvalio predsjednik Nusret Điver

Dani poljoprivrede općine Konjic imaju za cilj da prerastu u značajan događaj ove vrste u BiH, kao najbolji način promocije poljoprivredne proizvodnje i podrške poljoprivrednim proizvođačima.



OCJENA OD STRANE POSJETILACA I GOSTIJU JE DA JE OVA MANIFESTACIJA DOBRO ORGANIZOVANA, A OČEKIVATI JE DA ĆE „8 DAN POLJOPRIVREDE OPĆINE KONJIC” 2013 GODINE BITI JOŠ BOLJI.

